


PRIMA SEXTI CAPITIS

FIGVRA, QVÆ DVAS VERTICIS ossium portiones inuicem nonnihil seiunctas commonstrat, ut commodius artificiosissima sutura fabrica oculis subijceretur.




SECUNDA FIGVRA.

HÆC OSTENDIT CALVARIÆ portionem à reliquo capite serra diuisam, ut ossis apparet constructio duabus densis solidis squamis seu laminis, et notatis efformata, in quarum medio fistulosa seu fungosa ossis consistit substantia et indicata.

Cæterum huiusmodi squamæ uulgo capitis tabulæ uocantur. ac superior quidem exterior uel squama et notata, prima appellatur tabula. interior uero, quæ duræ cerebri inuestienti membrana est proxima, et insignitur, secundæ tabulæ loco habetur, et quidam hanc diploë quoque uocant. Neque desunt interim qui fungosam fistulosamque ossis substantiam et indicatam, unius etiam tabulæ uice recensent, hanc mediam seu secundam appellant, hæcque ratione tres caluariæ tabulas constituentes, quæ crassitie duritiæque in omnibus hominibus nequiquam pares cernuntur.

TERTIA SEXTI CAPITIS

FIGVRA.



TERTIA figura integræ caluariæ capitis naturalis figuræ (quæ oblongam sphaeram utrinque leuiter in anteriora compressam refert) absque inferiori maxilla in sinistro latere depictam exhibet, suturas in externa capitis sede spectandas pulchre proponens.

QVAR

QVARTA SEXTI

TI CAPITIS

FIGVRA.



HÆC figura caluariæ sinistro lateri magis incumbente exprimit, ut et basis caluariæ in conspectu nonnihil ueniret. Aliquot suturarum causa, ab hac figura os iugale serra adimimus. Cuiusmodi uero illæ sint, ex subsequenti characterum indice, ac ex huius et succedentium aliquot Caput contextu, promptè intelliges. Præsens namque figura maxillæ superioris ossibus cognoscendis, quibusdamque ossium foraminibus ostendendis, etiam pulchre subseruit.

CHARACTERVM TERTIÆ ET QVARTÆ FIGVRARVM INDEX.

- PRÆSENS characterum index tertiæ ac quartæ figuræ communis erit, quod scilicet eidem ferè characteres in utraq; collocentur. et si casu quis aut tertiæ, aut quartæ figuræ duntaxat peculiaris occurrerit, illi pro figuræ ratione, aut hanc notam 3, aut istam 4, in indicis contextu subijciam.
- A, B Coronalis anterioris sutura earum quæ transversim ducuntur. Cæterum B et A in tertia medium notant coronalis suturæ, in sinistro latere consistens, dextrum autem ipsius latus, quarta figura exprimitur.
- C, D Posterior sutura transversarum, quæ A Græcorum maiuscula litera assimilatur. In tertia huius suturæ sinistra pars conspicitur, in quarta uero dextra. Porro tertia figurarum integræ ossium compagem experimentum, huius suturæ totam sedem ad B commonstrat, quæ ueræ suturæ persimilis est. Quippe de ipsius additamentis per capitis basim perreptantibus, atque in quinta et sexta iam subsequentibus figuris, delineandis, alia est ratio.
- E 3 Sutura à medio suturæ A referentis ad medium coronalis, seu à D ad B deducta.
- F Squamosa cōglutinatio, ac in tertia quidē figura uidetur sinistra, in quarta autē dextra. Dein G. in ambabus à C ad G interuallum cōglutinationis notatur, à sutura A simili ad ueram cōglutinationem squamæ formem pertingens, quod non mutuo incumbentium squamarum, sed ueræ suturæ constructionem ostendit. Quod uero à G ad H per F porrigitur, squamæ formis est cōglutinatio, uerticis ossi et temporis ossi communis. Ab H autem ad A indicatur glutinatio squamæ formis, ossi uerticis et frontis ossi communis.
- I 3 Sinistrum uerticis os. K Dextrum uerticis os.
- L Frontis os, quod unicum est. M Occipitis os, similiter unum.
- N Sinistri temporis os in tertia, dextri autem in quarta ostenditur.
- O Os cuneo à dissectionis professoribus assimilatum, quod succinctiori nomine sæpius cuneiforme.
- P. Quocumque duntaxat sectantium uenia appellamus. Hoc unicum est, et cōiugis expers. Uerū P priuatim notat huius ossis processum, quos uespertilionum alis cōparabimus. Hi utrinque duo sunt, in 2, 3, 4, quarta figura conspicui et præter P, etiam numeris his 2, 3, 4, et 5 notati, quos quinta huius capitis figura accuratius proponet.

QQQ